

01/e-50-1

25-04-2012

**BOSNA I HERCEGOVINA  
VIJEĆE MINISTARA  
Generalno tajništvo**

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 25-04-2012			
Organizaciona jedinica	Klasifikaciona oznaka	Redni broj	Broj priloga
		01-50-1-15-20/12	

Broj: 05-50-1-403/12  
Sarajevo, 23. 4. 2012. godine

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine je na 5. sjednici održanoj 18. 4. 2012. godine utvrdilo Odgovor na pitanje koje je postavio Boško Tomić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-403/12  
Sarajevo, 23. 4. 2012. godine

Boško Tomić, poslanik u Predstavničkom domu Parlamentarne skupštine Bosne i Hercegovine, na 20. sjednici Predstavničkog doma Parlamentarne skupštine BiH, održanoj 02.02.2012.godine, postavio je pitanje Vijeću ministara Bosne i Hercegovine:

" Da li je tačna informacija da se u Ministarstvu vanjskih poslova uništava povjerljiva dokumentacija mimo zakonske procedure? "

Na postavljeno pitanje, Vijeće ministara Bosne i Hercegovine je na 5. sjednici održanoj 18.4.2012. godine, utvrdilo sljedeći

**ODGOVOR**

Ministarstvo vanjskih poslova Bosne i Hercegovine je, u skladu sa aktom aktom Ministarstva sigurnosti Bosne i Hercegovine broj 11-3-04-9-234/12-6 od 03.02.2012. godine – Informacija u vezi sa obavljenim nadzornim aktivnostima, koji se nalazi kao prilog ovom odgovoru, preduzela sljedeće aktivnosti:

- pokrenute su provjere tehničkih, fizičkih i organizacijskih mjera i postupaka za zaštitu tajnih podataka u cilju određivanja centralnog mjesta za čuvanje tajnih podataka BiH, a kako bi se izbjeglo čuvanje u organizacionim jedinicama;
- pokrenute su procedure za pribavljanje sigurnosnih dozvola i vođenje posebne kadrovske evidencije za lica koja su prošla odgovarajuću sigurnosnu provjeru;
- pokrenute su procedure za uspostavljanje sigurnosnih procedura / protokola za prijem, prijenos, klasifikaciju, uništavanje i popis brojnog stanja povjerljivih podataka.



Broj: 11-3-04-9-234/12--i

Datum: 03.02.2012. godine

**BOSNA I HERCEGOVINA  
MINISTARSTVO VANJSKIH POSLOVA**

n/r ministra

n/r zamjenice ministra

**SARAJEVO**

**PREDMET:** Informacija u vezi sa obavljenim nadzornim aktivnostima, dostavlja se, preduzimanje aktivnosti, traži se.-

**VEZA:** Vaš akt br.: MFA-BA-3M 02-50-2-2091/12, od 19.01.2012. godine;

Naš akt.br.: 11-04-9-234-1/12, od 20.01.2012. godine i

Vaš akt br.: 01-1-2267-1/12, od 25.01.2012. godine.-

Obavještavamo Vas da su predstavnici Ministarstva sigurnosti BiH – Državni sigurnosni organ BiH (DSO BiH) nakon izvršenih nadzornih aktivnosti u Ministarstvu vanjskih poslova (MVP BiH), a u skladu sa vašim aktima veze, došli do slijedećih saznanja po pitanju rukovanja tajnim podacima Bosne i Hercegovine unutar tog Ministarstva:

- Evidencije koje se vode unutar sigurnosnog područja odnose se samo na NATO tajne podatke, a iz istih je vidljivo evidentiranje tajnih podataka koji dolaze u to područje kao i evideniranje o upoznavanju sa tim tajnim podacima.
- U okviru pisarnice MVP-a BiH postoji evidencija „povjerljive pošte“ koja se evidentira u odvojenoj knjizi u odnosu na redovnu poštu koja pristiže u MVP BiH.
- U sigurnosno područje u MVP-u BiH nema dokumenta sa oznakom tajnosti a koji sadrže tajne podatke Bosne i Hercegovine, odnosno u sigurnosno područje u MVP-u BiH dostavljani su do sada samo NATO tajni podaci.
- U prostorijama sigurnosnog područja/podregistra MVP-a BiH niti jedan dokument sa oznakom tajnosti nije uništen niti je bilo šta uništavano u okviru tog područja.
- Ne postoji centralno mjesto u Ministarstvu vanjskih poslova na kojem se čuvaju dokumenta koja nose oznaku tajnosti - odnosi se na tajne podatke Bosne i Hercegovine - nego se ista čuvaju u organizacionim jedinicama kojima su dostavljena.
- Uposlenici u pisarnici koji rade sa „povjerljivom poštom“, kao ni kurir koji raznosi „povjerljivu poštu“, ne posjeduju dozvole za pristup tajnim podacima.
- Pošta koja glasi na ruke ministra ili zamjenika ili sekretara i sl. se ne otvara nego se direktno nosi onome na koga glasi i ta osoba ju otvara, a potom ako treba takva pošta se signira nekome ili ju ta osoba čuva kod sebe u kancelariji. Ukoliko se ipak desi da takva pošta bude, „spuštena“ u pisarnicu, onda se ona evidentira u knjizi protokola za „povjerljivu poštu“ i dostavlja se organizacionoj jedinici na koju se odnosi. Takva pošta se također ne čuva u pisarnici, nego u organizacionoj jedinici kojoj je dostavljena.

- U odnosu na način dostave klasifikovane pošte unutar organizacionih jedinica uvijek se jedna kopija klasifikovane pošte pravi i za Kabinet zamjenika ministra. Kada se kopije dostave u Kabinete, one se tamo i čuvaju;
- U okviru Kabineta ministra i Kabineta zamjenice ministra ne postoji knjiga „povjerljive pošte“, takva pošta se evidentira u pisarnici iako se zaprima u okviru Kabineta.
- Ukoliko se dostavljaju neki dokumenti koji nose oznaku tajnosti, a naslovljeni su na ruke ministra onda se to zaprima u Kabinetu i takva pošta se otvara i ukoliko je potrebno signira na organizacionu jedinicu.

S tim u vezi, Državni sigurnosni organ BiH ukazuje na činjenicu da je iz svega naprijed pobrojanog vidljivo da se unutar Ministarstva vanjskih poslova BiH ne poštuju pravila i procedure propisane Zakonom o zaštiti tajnih podataka i propisa donesenih na osnovu tog Zakona, a vezano za sprovođenje organizacionih, fizičkih i tehničkih mjera i radnji za zaštitu tajnih podataka Bosne i Hercegovine. Također, napominjemo da i dalje ostaje obaveza uspostave sistema zaštite tajnih podataka u Ministarstvu vanjskih poslova po pitanju tajnih podataka Bosne i Hercegovine i da je u tom smislu i do sada u više navrata ukazivano od strane Ministarstva sigurnosti BiH, odnosno Državnog sigurnosnog organa BiH.

Isto tako, ukazujemo još jednom i na to da u što kraćem roku treba poduzeti sve mjere i radnje kako bi se okončale aktivnosti vezano za očitovanje Ministarstva vanjskih poslova po zadnjem izvještaju DSO-a BiH o izvršenom nadzoru u oblasti zaštite tajnih podataka koji je dostavljen Ministarstvu vanjskih poslova 29.11.2010. godine, a u kontekstu akreditacije i certifikacije budućeg podregistra NATO tajnih podataka i Centralnog registra za EU tajne podatke. Iako je više puta do sada traženo da se Ministarstvo vanjskih poslova očituje po ovom izvještaju, odnosno da obavijesti Državni sigurnosni organ BiH da li su otklonjeni uočeni nedostaci navedeni u izvještaju, to još uvijek nije učinjeno.

Neprimjenjivanje zakonskih procedura u radu sa tajnim podacima, kao i nepostojanje jasnih evidencija u vezi sa rukovanjem tajnim podacima, onemogućuje konstantan uvid i nadzor nad kretanjem tajnih podataka Bosne i Hercegovine unutar Ministarstva vanjskih poslova BiH, što je u konkretnom slučaju i utvrđeno. Stoga je potrebno da Ministarstvo vanjskih poslova BiH provede unutrašnji nadzor nad provođenjem Zakona o zaštiti tajnih podataka i propisa donijetih na osnovu tog Zakona u Ministarstvu vanjskih poslova, što je također propisano podzakonskim aktom Vijeća ministara BiH, te da o ishodima tog nadzora, kao i o preduzetim mjerama i radnjama po tom nadzoru obavijesti blagovremeno Državni sigurnosni organ BiH.

Državni sigurnosni organ BiH će i ubuduće pratiti sve aktivnosti koje se na ovom planu budu preduzimale u MVP-u BiH, a za svu potrebnu stručnu pomoć i saradnju, službenici DSO-a BiH su Vam na raspolaganju.

S poštovanjem,

**MINISTAR**

**mr. Sadik Ahmetović**

Dostavljeno:

- 2x naslovu;
- 1x a/a.